



Broj:09-20-11-2-2279-1/22

Dana: 11.10.2022. godine

Na osnovu 43. i 45., Zakona o unutrašnjim poslovima Federacije Bosne i Hercegovine („Službene novine Federacije BiH“ broj: 81/14), člana 70. stav (1), (3) i (6), u vezi sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), na Preporuku Komisije za zajedničku nabavku iz Zapisnika o pregledu i ocjeni ponuda broj: 09-20-11-2-2279 od 04.10.2022. godine, imenovane Odlukom broj: 09-19/1-30-2-622 od 29.06.2022. godine, u postupku javne nabavke „Nabavka usluga laboratorijskog testiranja sirovinskog sastava i tehničkih svojstava uzoraka materijala“, zamjenik direktora Federalne uprave policije d o n o s i:

O D L U K U

o izboru najpovoljnijeg ponuđača konzorcij „BOSNAINSPEKT“ d.o.o. Sarajevo i „Mirta-Kontrol“ d.o.o. Zagreb, Republika Hrvatska za javnu nabavku usluga laboratorijskog testiranja sirovinskog sastava i tehničkih svojstava uzoraka materijala

I

Prihvata se Preporuka Komisije za zajedničku javnu nabavku (u daljem tekstu - Komisija), iz Zapisnika o pregledu i ocjeni ponuda broj: 09-20-11-2-2279 od 04.10.2022.godine i ugovor za „Nabavka usluga laboratorijskog testiranja sirovinskog sastava i tehničkih svojstava uzoraka materijala“, dodjeljuje se ponuđaču:

- Konzorcij „BOSNAINSPEKT“ d.o.o. Sarajevo i „Mirta-Kontrol“ d.o.o. Zagreb, Republika Hrvatska, sa ponudom broj: 09-20-11-2-2279, i ponuđenom cijenom u iznosu od 19.900,00 KM bez PDV-a.

II

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru najpovoljnije ponuđača. Prijedlog ugovora dostavit će se na potpis izabranom ponuđaču konzorcij „BOSNAINSPEKT“ d.o.o. Sarajevo i „Mirta-Kontrol“ d.o.o. Zagreb, Republika Hrvatska po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

III

Odabrani ponuđač dužan je u roku od 5 (pet) dana od dana zaprimanja ove Odluke o izboru, dostaviti originale ili ovjerene kopije niže navedene dokumentacije, koja ne može biti starija od **3 mjeseca od dana dostavljanja ponude** (original dokumenta ne smije biti stariji od 3 mjeseca od datuma predaje ponude):

a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registrovan (potrebno je da kandidati/ponuđači kumulativno dostave potvrdu Suda BiH i potvrdu općinskog suda prema sjedištu pravnog lica, odnosno kandidata/ponuđača);

- b) uvjerenje nadležnog suda ili organa uprave kod kojeg je registriran kandidat/ponuđač kojim se potvrđuje da nije pod stečajem ili nije predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) uvjerenje nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) uvjerenje nadležne/ih institucija o uredno izmirenim obavezama po osnovu direktnih i indirektnih poreza.

IV

Ova Odluka objaviće se na web stranici ugovornih organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

V

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka zajedničke javne nabavke broj: 09-20-11-2-2279 od 19.09.2022. godine.

U zajedničkoj nabavci usluga laboratorijskog testiranja sirovinskog sastava i tehničkih svojstava uzoraka materijala učestvuju:

- Federalno ministarstvo unutrašnjih poslova - Federalna uprava policije, Mehmeda Spahe 7, Sarajevo,
- Ministarstvo unutrašnjih poslova Unsko-sanskog kantona – Uprava policije, 502. viteške brdske brigade 2, Bihać,
- Ministarstvo unutrašnjih poslova Posavskog kantona, III Ulica br. 27, Orašje,
- Ministarstvo unutrašnjih poslova Tuzlanskog kantona - Uprava policije, Turalibegova bb, Tuzla,
- Ministarstvo unutrašnjih poslova Zeničko-dobojskog kantona - Uprava policije, Trg Bosne i Hercegovine 1, Zenica,
- Ministarstvo unutrašnjih poslova Bosansko-podrinjskog kantona - Uprava policije, Zaima Imamovića 5, Goražde
- Ministarstvo unutrašnjih poslova Srednjobosanskog kantona, Aleja Konzula bb, Travnik,
- Ministarstvo unutrašnjih poslova Hercegovačko-neretvanskog kantona, Brune Bušića bb, Mostar,
- Ministarstvo unutrašnjih poslova Zapadnohercegovačkog kantona, IV brigade HVO Stjepan Radić 11, Ljubuški,
- Ministarstvo unutrašnjih poslova Kantona Sarajevo - Uprava policije, La benevolencije 16, Sarajevo,
- Ministarstvo unutrašnjih poslova Kantona 10, Silvija Strahimira Kranjčevića 8, Livno.

Javna nabavka provedena je putem konkurentskog zahtjeva za dostavu ponuda.

Procijenjena vrijednost nabavke iznosi 20.000,00 KM bez PDV-a.

Obavještenje o nabavci broj: 1412-7-2-217-3-114/22, poslano je na objavu dana 21.09.2022. godine u 15,02 sati na Portal e-Nabavki.

Komisija za zajedničku javnu nabavku imenovana je Odlukom broj: 09-19-1-30-2-622 od 29.06.2022. godine.

Komisija za zajedničku javnu nabavku sačinila je Zapisnik sa otvaranja ponuda broj: 09-20-11-2-2279 od 04.10.2022.godine. Prema Zapisniku sa otvaranja ponuda, za aktivno učešće u postupku, do roka određenog za dostavljanje ponuda, dostavljene su ponude ponuđača CIS Institut d.o.o. Beograd i konzorcij Bosnainspekt d.o.o. Sarajevo i Mirta-Kontrol d.o.o. Zagreb, Republika Hrvatska.

Komisija je sačinila i Zapisnik o pregledu i ocjeni ponuda broj: 09-20-11-2-2279 od 04.10.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da ponuda ponuđača konzorcij „BOSNAINSPEKT“ d.o.o. Sarajevo i „Mirta-Kontrol“ d.o.o. Zagreb, Republika Hrvatska ispunjava sve zahtjeve ugovornog organa u formalno-pravnom, ekonomskom i tehničkom smislu, tj. da je ista za ugovorni organ prihvatljiva.

- da ponuda ponuđača „CIS INSTITUT“ d.o.o. Beograd, Republika Srbija nije prihvatljiva iz sljedećih razloga:

- Vršeci analizu ponude ponuđača „CIS INSTITUT“ d.o.o. Beograd Komisija je utvrdila da ponuda ne ispunjava uslove iz tačke 4.1. priprema i dostavljanje ponuda, izmjena, dopuna i povlačenje ponuda, povjerljivost tenderske dokumentacije. Naime, tačkom 4.1. propisano je da ponuđač ne smije mijenjati, ili nadopunjavati tekst tenderske dokumentacije. Ponuđač „CIS INSTITUT“ d.o.o. Beograd je u svojoj ponudi u obrascu za ponudu (Aneks I), strana 2, dodao ispod tačke 3. u izjavi ponuđača dio teksta (potpis i datum).

Izjava o ispunjenosti uslova iz člana 45. dostavljena na strani 13. originala ponude ponuđača, kao i izjava iz člana 52. Zakona o javnim nabavkama dostavljena na strani 14. originala ponude ponuđača, ne sadrži ovjeru nadležnog organa, a kako je to navedeno u tački 2.1. uslovi za učešće i potrebni dokazi i tački 2.4. tenderske dokumentacije.

Ponuđač „CIS INSTITUT“ d.o.o. Beograd u svojoj ponudi nije dostavio izjavu iz tačke 12. tenderske dokumentacije – garancija za dobro izvršenje ugovora. Naime, u tački 12. tenderske dokumentacije stoji da je ponuđač obavezan da dostavi izjavu kojom garantuje, da će, ukoliko zaključi ugovor za predmetnu nabavku, u roku i na način utvrđen ovom TD dostaviti garanciju za uredno izvršenje ugovora.

U tački 2.3. tehnička i profesionalna sposobnost u postupku nabavke usluge (čl. 48. i 50. Zakona) tenderske dokumentacije u svrhu dokaza o ispunjavanju ovih navedenih dokaza ponuđači su dužni dostaviti certifikat, ovlaštenje ili drugi dokaz da su tražene metode tehničkom specifikacijom akreditovane metode, te u dostavljenom dokumentu je potrebno posebno označiti (markerom) sve tehničkom specifikacijom tražene akreditovane metode, što ponuđač nije učinio. Komisija je unatoč tome izvršila pregled dostavljenog dokumenta i ustanovila da nedostaje metoda 2313-1 navedena u dijelu C), D), E), F) i G) tehničke specifikacije koja je data kao sastavni dio obrasca za cijenu ponude (Aneks II) tenderske dokumentacije.

U skladu sa naprijed navedenim, ponuda ponuđača „CIS INSTITUT“ Beograd nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U postupku je podnesena samo jedna prihvatljiva ponuda:

- Konzorcij Bosnainspekt d.o.o. Sarajevo i Mirta-Kontrol d.o.o. Zagreb, Republika Hrvatska sa ukupnom cijenom ponude u iznosu od 19.900,00 KM bez PDV-a, te postupajući u skladu sa članom 3., stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama

U postupku donošenja ove Odluke, posebno su cijenjene činjenice da je Komisija pravilno i potpuno utvrdila činjenično stanje i izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, pripadajućim podzakonskim aktima i predmetnom tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis